



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ  
ԵՎ ՍՊՈՐՏԻ ՆԱԽԱՐԱՐ  
**ՀՐԱՄԱՆ**

**N 846-Ա/2**

**11.05.2022թ.**

**ՀԱՅԱՍՏԱՆԻ ՊԵՏԱԿԱՆ ԱԶԳԱՅԻՆ ԱԿԱԴԵՄԻԱԿԱՆ ԵՐԳՉԱԽՄԲԻ  
ՀԻՄՆԱԴՐՄԱՆ 85-ԱՄՅԱԿԻՆ ՆՎԻՐՎԱԾ ՀԱՄԵՐԳԻ ԿԱԶՄԱԿԵՐՊՄԱՆ  
ԾՐԱԳԻՐԸ ՀԱՍՏԱՏԵԼՈՒ ԵՎ ԳՈՒՄԱՐ ՀԱՏԿԱՑՆԵԼՈՒ ՄԱՍԻՆ**

Ղեկավարվելով «Հայաստանի Հանրապետության 2022 թվականի պետական բյուջեի մասին» օրենքով և Հայաստանի Հանրապետության վարչապետի 2019 թվականի հունիսի 1-ի N 661-Լ որոշման հավելվածի 19-րդ կետի 20-րդ ենթակետով՝ Հայաստանի պետական ազգային ակադեմիական երգչախմբի հիմնադրման 85-ամյակին նվիրված համերգի կազմակերպման նպատակով՝

**Հ Ր Ա Մ Ա Յ ՈՒ Մ Ե Մ**

1. Հաստատել Հայաստանի պետական ազգային ակադեմիական երգչախմբի հիմնադրման 85-ամյակին նվիրված համերգի կազմակերպման ծրագիրը՝ համաձայն հավելվածի:

2. «Հայաստանի Հանրապետության 2022 թվականի պետական բյուջեի մասին» օրենքի N 1 հավելվածի N 2 աղյուսակի «1168. Արվեստների ծրագրի» «11005. Մշակութային միջոցառումների իրականացում» միջոցառման համար (տող՝ «Աջակցություն հոբելյանական նախագծերին») Հայաստանի Հանրապետության կրթության, գիտության, մշակույթի և սպորտի նախարարությանը (այսուհետ՝ նախարարություն) նախատեսված գումարներից հատկացնել 7732,8 հազար (յոթ միլիոն յոթ հարյուր երեսուներկու հազար ութ հարյուր) դրամ՝ Հայաստանի պետական ազգային ակադեմիական երգչախմբի հիմնադրման 85-ամյակին նվիրված համերգի կազմակերպման ծախսերն ապահովելու համար:

3. Նախարարության ֆինանսաբյուջետային վարչության պետին՝

սույն հրամանն ուժի մեջ մտնելուց հետո 15-օրյա ժամկետում նախապատրաստել և նախարարության գլխավոր քարտուղարի ստորագրմանը ներկայացնել սույն հրամանի 2-րդ կետում նշված գումարը «Հայաստանի պետական ազգային ակադեմիական երգչախումբ» պետական ոչ առևտրային կազմակերպությանը հատկացնելու մասին պայմանագիր (այսուհետ՝ պայմանագիր):

4. Նախարարության ժամանակակից արվեստի վարչության պետին՝ Հայաստանի Հանրապետության կրթության, գիտության, մշակույթի և սպորտի նախարարի 2020 թվականի մարտի 16-ի թիվ 343-Ա/2 հրամանին և կնքվող պայմանագրին համապատասխան իրականացնել պայմանագրով նախատեսված աշխատանքների կատարման նկատմամբ հսկողություն, բովանդակային հաշվետվությունների ընդունման գործառույթներ:

5. Սույն հրամանի կատարման հսկողությունը վերապահել Հայաստանի Հանրապետության կրթության, գիտության, մշակույթի և սպորտի նախարարի տեղակալ Ա. Իսգանյանին:

**X**

---

**ԱՐԱՅԻԿ**

**ԽԶՄԱԼՅԱՆ**

(պարտականությունները կատարող)

Հավելված  
ՀՀ կրթության, գիտության,  
մշակույթի և սպորտի նախարարի  
«       » «       » 2022 թ.  
N       -Ա/2 հրամանի

### Ծ Ր Ա Գ Ի Ր

Հայաստանի պետական ազգային ակադեմիական երգչախմբի հիմնադրման  
85-ամյակին նվիրված համերգի

1	Կազմակերպության անվանում	«Հայաստանի պետական ազգային ակադեմիական երգչախումբ» ՊՈԱԿ
2	Կազմակերպության գտնվելու վայր	ք. Երևան, Պուշկին 60
3	Ծրագրի անվանում	Հայաստանի պետական ազգային ակադեմիական երգչախմբի հիմնադրման 85-ամյակին նվիրված համերգ
3.1	Բովանդակություն	Հոբելյանական համերգը տեղի կունենա «Արամ Խաչատրյան» համերգասրահում Հայաստանի ազգային ակադեմիական երգչախմբի, Հայաստանի ազգային ֆիլհարմոնիկ նվագախմբի և անվանի մենակատարների մասնակցությամբ: Համերգը ղեկավարելու են դիրիժորներ Հովհաննես Չեքիջյանն ու Էդուարդ Թոփչյանը: Համերգին կինչեն հայ և արտասահմանյան կոմպոզիտորների տեղծագործությունները, եզրափակիչ ստեղծագործությունը կլինի Վերդիի «Աիդա» օպերայից հատվածը: Համերգի ընթացքում կցուցադրվի վավերագրական ֆիլմ Հայաստանի ազգային ակադեմիական երգչախմբի մասին:
3.2	Նպատակ	Միջոցառման նպատակն է նշել Հայաստանի ազգային ակադեմիական երգչախմբի ստեղծման հոբելյանական տարեդարձը՝ վերհիշելով երգչախմբի անցած ուղին, պատմությունն ու գործունեությունը, ինչպես նաև հանդիսատեսին հերթական անգամ ներկայացնել հայտնի կոմպոզիտորների ստեղծագործությունները և զարգացնել մշակութային կյանքը:
3.3	Անցկացման ժամկետ	Հունիսի 22, 2022թ.
3.4	Անցկացման վայր	«Արամ Խաչատրյան» համերգասրահ
3.5	Ակնկալվող արդյունքներ	Մեկ համերգ, 1000 հանդիսատես

